

Izjava OHR-a na konferenciji za medije međunarodnih organizacija

Prvi zamjenik visokog predstavnika Donald Hays će sutra u Bruxellesu govoriti na konferenciji Pakta o stabilnosti.

Ambasador Hays će istaknuti pozitivan razvoj institucije koji se u BiH desio tokom 2004, uključujući uspostavu SIPA-e i Uprave za indirektno oporezivanje, postizanje dogovora o rješavanju pitanja unutrašnjeg duga (što je do sada odbijalo investitore koji su potrebni radi otvaranja novih radnih mjesta), te uspostavu novog sistema žiro-kliringa početkom godine, što je bitan korak u konsolidaciji već razvijenog bankarskog sektora.

Trgovinski pokazatelji se takođe poboljšavaju. U 16 od 23 mjeseca u periodu od oktobra 2002. do avgusta 2004, rast izvoza je posmatrano na godišnjoj razini bio veći od rasta uvoza. Tokom 12 mjeseci, od septembra 2003. do avgusta 2004, vrijednost izvoza iz BiH je bila za 14.8% veća nego u prethodnih 12 mjeseci, dok se vrijednost uvoza u istom periodu povećala za samo 6%.

Ipak, još uvijek postoji veliki trgovinski debalans. Prema sadašnjim stopama izvoza i uvoza, izvozom bi se do 2039. pokrila samo polovica uvoza.

Ambasador Hays će istaknuti da «kratkoročno, kako na snagu stupaju ugovori o slobodnoj trgovini, relativne slabosti ključnih sektora privrede u BiH – očit primjer za to je poljoprivreda – će doći do izražaja sa značajanim negativnim ekonomskim utjecajem.»

Stoga Pakt o stabilnosti mora pojačati svoj angažman u borbi protiv kriminala u regiji, carinskoj koordinaciji u regiji,

izgradnji regionalne infrastrukture, te energetskog tržišta u regiji, kako bi se što prije osigurao vidljiv napredak u životu građana, a sve s ciljem kako bi ljudi povezali Pakt o stabilnosti sa dugoročnim napretkom, iako u nekim slučajevima i sa kratkoročnim teškoćama.

Ambasador Hays će takođe pozvati Pakt o stabilnosti da artikulira viziju jugoistočne Evrope u sljedećih deset godina. To je u drugim krajevima svijeta poslužilo kao pokretač reformi i razvoja. «U jugoistočnoj Aziji političari uvijek znaju da moraju ići u korak sa željama ljudi koje potiče jaka medijska kampanja. Ne radi se o nepovezanosti želja i stvarnosti, već o tome da se u stvarnosti naporno radi kako bi se dostigli željeni ciljevi».

Puni tekst govora će biti objavljen sutra na web stranici OHR-a.

Reforma u elektroenergetskom sektoru, vode BiH u Europu

U nedjelju će se elektroenergetski sistem BiH, nakon što je bio podijeljen više od 10 godina, ponovo spojiti što će predstavljati veliki poticaj za ekonomiju BiH. Ovo će olakšati prodaju električne energije jedne Elektroprivrede drugoj, kao i potrošačima u Europi. Također, ujedinjenje će integrirati čitavu BiH u kontinentalni sistem napajanja i ispuniti glavni zahtjev u procesu integracije u EU. U Zajedničkom elektroenergetskom koordinacijskom centru (ZEKC) u Sarajevu, u nedjelju će biti upriličeno obraćanje medijima, a mi ćemo objaviti više detalja o tome tokom sedmice.

Reforma elektroenergetskog sektora koja se trenutno provodi u BiH, prati Direktivu Europske Unije o električnoj energiji te ima za cilj osigurati da su ispunjeni zahtjevi za uspostavljanje regionalnog tržišta. Iz tog razloga, za BiH perspektivu u EU ključna ja uspješna i blagovremena provedba svih spekata ove reforme.

Prije godinu dana, entitetske vlade su se dogovorile da provedu preporuke za rekonstrukciju elektroenergetskog sektora na osnovu ekonomskih i tehničkih kriterija. Ovo uključuje seriju združivanja elektroenergetskih objekata koje pripadaju trima Elektroprivredama kako bi one BiH potrošačima mogle pružiti bolje usluge i cijene. Tokom cijelog procesa planiranja, vršene su konsultacije sa predstavnicima triju Elektroprivreda.

Prvi zamjenik visokog predstavnika, Donald Hays, bio je uključen u lobiranje relevantnih ministarstava radi provedbe plana prestrukturiranja sto prije, jer su se na to i obvezali, kako bi BH građani što prije osjetili korisiti te kako bi BH ispunila temeljni zahtijev europskih integracijskih procesa.